

## Cofnodion Cyfarfod Cyngor Cymuned Llanddeiniolen 1af Hydref 2024

### **Croeso a Gweddi.**

Rhodddwyd Croeso gan y Cadeirydd a gair o weddi gan Emma Chappell

### **Preseanol**

**Y Cadeirydd** Gareth W Griffiths ynghyd a'r cynghorwyr Elwyn Jones, Lowri James, Phyllis Ellis, Emma Chappell, Dawn Parry, Ellen George, Gareth Hughes a Rhian Evans-Hill

### **Ymddiheuriadau.**

Jane Pierce, Idris Thomas, Elfed Wyn Williams, Ynyr Parri, Sasha Williams a Berwyn Parry Jones

### **Datgan Buddiant**

**Fel yr arfer, mae pawb oedd yn bresennol ddatgan buddiant ar geisiadau rhoddion ariannol.**

### **Cofnodion Cyfarfod 3ydd Fedi 2024**

Cafwyd y Cofnodion yn gywir a nodwyd fod yr holl benderfyniadau wedi eu gwneud yn unfryd gan Y Cyngor:

**Phyllis Ellis (1) Lowri James (2)**

### **Ceisiadau Cynllunio**

Dyma'r ceisiadau a dderbyniwyd:

#### **C24/0775/18/AC - Arfryn, Fachwen**

Dymchwel estyniad preseanol, a chodi un yn ei le. Dim Gwrthwynebiad

#### **C24/0769/18/DT - Llygad yr Haul, Penisa'r-waun.**

Dymchwel estyniad to fflat ochr a chodi estyniad deulawr to brig ochr ynghyd ag estyniad blaen deulawr to brig, a chodi adeilad allanol yng nghefn yr ardd. Dim Gwrthwynebiad

#### **C24/0763/18/DT - Tan y Ffordd, Bethel**

Dymchwel adeilad allanol preseanol a chodi estyniad yn ei le. Dim Gwrthwynebiad

#### **Plas Coch, Penisa'r-waun**

Mae cais ôl gweithredol wedi ei roi ar gyfer y gwelliannau yma, nid oes amser wedi ei nodi i leihau'r amodau sydd wedi eu nodi, ac nid ydym wedi clywed dim ers i swyddogion fod yn ymweld ar y safle.

#### **Capel Glasgoed**

Ymhellach i'r ffaith ein bod yn credu fod gwelliannau a newidiadau wedi eu gwneud ar yr adeilad yma, heb ganiatâd cynllunio, mae bellach mynediad arall wedi ei agor i'r capel - hwn fydd y 6ed mynedfa ar yr adeilad erbyn hyn.

### **Sefyllfa Ariannol**

Cyflwynodd y clerc restr o wariant a derbyniadau hyd yma, ynghyd a mantolen 6 mis i'r cynghorwyr. Nodwyd fod popeth i weld yn hollol eglur, ac mi fydd angen i'r pwyllgor cyllid gyfarfod mis nesaf i ddechrau trafod cyllideb y flwyddyn nesaf i baratoi penderfynu Praesept. Derbyniwyd ac arwyddwyd y dogfennau.

### **Rhoddion Ariannol**

Eleni, bu i'r Cyngor gyflwyno newidiadau i drefn ceisiadau am roddion. Mae'r Cyngor bellach gyda ffurflen bwrpasol, sydd hefyd yn gofyn am Fantolen Ariannol wedi ei ardystio, ynghyd a chyfansoddiad. Yn ychwanegol i hyn, mae yna reolau lle mae'r Cyngor yn nodi caniatáu, neu wrthod ceisiadau. Bu i bob grŵp sydd wedi rhoi cais am rodd ariannol o'r blaen gael copi o hyn. Bu i'r Cyngor dderbyn 13 cais, a derbyn 9. Dyma restr a fu yn derbyn £300

Clwb Bowlio Dan do Bethel  
Neuadd Gymuned Penisa'r-waun  
Eisteddfod Penisa'r-waun  
Eco'r Wyddfa  
Cyfeillion Rhiwlas  
Clwb Crefft Rhiwlas  
Clwb Snwcer Deiniolen  
Pwyllgor Pentra Deiniolen  
Clwb Rhiwen

### **Rhodd o ystâd y diweddar Ken Harris**

Yn dilyn sawl sgwrs o beth a sut i ddyrannu'r arian y gronfa yma, penderfynwyd yn y diwedd gyfuno ambell i awgrym a dod i'r penderfyniad yma:

Penderfynwyd cydweithio gydag ysgolion cynradd y plwyf (4) i wahodd ceisiadau gan ysgolion i weithio mewn partneriaeth a'r Cyngor i gyflawni amcanion fel y maent wedi ei nodi gan y Cyngor o dan geisiadau Rhoddion.

#### **Amcanion y Cyngor:**

**“ Mae Cyngor Cymuned Llanddeiniolen yn cydnabod ac yn cefnogi'r cyfraniad gwerthfawr a wneid gan lawer o grwpiau gwirfoddol a sefydliadau ym meysydd chwaraeon celf, diwylliant, gofal cymdeithasol, gwasanaethau ar gyfer pob ifanc, yr henoed a phobl ag anabledau a llawer o rai eraill sy'n cyfrannu at les y gymuned. Y bwriad wrth ddyrannu cymorth ariannol yw gwella ystod o wasanaethau a gweithgareddau lleol.”**

Byddai yn gyfle i ddarpar ddinasyddion ddod yn ymwybodol o fodolaeth a rôl y Cyngor Cymuned ac i ystyried sut y gallent hwy (mewn partneriaeth a grwpiau eraill) gyfrannu at wella amodau eu cymuned. Mae'r ysgolion yn ganolbwynt eu cymdeithas ac yn gallu partneru a denu cefnogaeth a chyfraniad gan eu cymuned. Felly, bydd y Cyngor yn symud ymlaen i roi syniadau at ei gilydd i weithredu a gwahodd aelodau o'r ysgolion i gyflwyno cais ar gyfer prosiect yn fuan

### **Cadarnhau Taliadau**

**Derbyniwyd y taliadau ar y rhestr ac arwyddwyd gan y Cadeirydd.**